

T02n0099_p0079a22(00) || 雜阿含經卷第十二

T02n0099_p0079a23(00) ||

T02n0099_p0083c23(00) || (二九四) 如是我聞： 一時，

T02n0099_p0083c24(08) || 佛住王舍城迦蘭陀竹園。 爾時，世尊告諸比丘：

T02n0099_p0083c25(07) || 「愚癡無聞凡夫無明覆，愛緣繫得此識身，內有此識身，

T02n0099_p0083c26(01) || 外有名色，此二因緣生觸，此六觸入所觸，

T02n0099_p0083c27(01) || 愚癡無聞凡夫苦樂受覺，因起種種。

T02n0099_p0083c28(05) || 云何為六？眼觸入處。耳、鼻、舌、身、意觸入處，

T02n0099_p0083c29(05) || 若點慧者無明覆，愛緣繫得此識身。如是內有識身，

T02n0099_p0084a01(01) || 外有名色¹，此二緣生六觸入處²，六觸所觸故，

T02n0099_p0084a02(00) || 智者生苦樂受覺，因起種種。

T02n0099_p0084a03(07) || 何等為六？眼觸入處。耳、鼻、舌、身、意觸入處，愚夫、點慧，

T02n0099_p0084a04(02) || 彼於我所修諸梵者，有何差別？」 比丘白佛言：

T02n0099_p0084a05(02) || 「世尊是法根、法眼、法依。善哉！世尊！唯願演說，

T02n0099_p0084a06(00) || 諸比丘聞已，當受奉行。」 爾時，

T02n0099_p0084a07(05) || 世尊告諸比丘：「諦聽，善思，當為汝說。諸比丘！

T02n0099_p0084a08(04) || 彼愚癡無聞凡夫無明所覆，愛緣所繫，得此識身，

T02n0099_p0084a09(01) || 彼無明不斷，愛緣不盡，身壞命終，還復受身；

T02n0099_p0084a10(00) || 還受身故，不得解脫生、老、病、死、憂、悲、惱、苦。

T02n0099_p0084a11(00) || 所以者何？此愚癡凡夫本不修梵行，

T02n0099_p0084a12(02) || 向正盡苦，究竟苦邊故，是故身壞命終，

T02n0099_p0084a13(03) || 還復受身；還受身故，不得解脫生、老、病、死、憂、悲、惱、

T02n0099_p0084a14(00) || 苦。 「若點慧者無明所覆，愛緣所繫，

T02n0099_p0084a15(02) || 得此識身，彼無明斷，愛緣盡；無明斷，愛緣盡故，

T02n0099_p0084a16(01) || 身壞命終，更不復受；不更受故，得解脫生、老、

T02n0099_p0084a17(00) || 病、死、憂、悲、惱、苦。所以者何？彼先修梵行，

T02n0099_p0084a18(02) || 正向盡苦，究竟苦邊故，是故彼身壞命終，

T02n0099_p0084a19(03) || 更不復受；更不受故，得解脫生、老、病、死、憂、悲、惱、苦，

T02n0099_p0084a20(00) || 是名凡夫及點慧者，彼於我所修諸梵行，

T02n0099_p0084a21(01) || 種種差別。」 佛說此經已，諸比丘聞佛所說，

T02n0099_p0084a22(01) || 歡喜奉行。

T02n00

¹名色為識之對象，依六處之機能，由識認知一切法。

²由「六觸」進入身心的管道，常特指六觸使人心意動搖、產生貪愛的過程、時空、或情境。六觸是「眼觸、耳觸、鼻觸、舌觸、身觸、意觸」，這裏的「觸」特指感官、外境、識，三者接觸，是十二因緣之一。